

Gvangjsih Minzcuz Bau

Cawiguenj: Gvangjsih Bouxcuengh Swcigih Minzcuz Cunghgvau Swvu Veijvenzvei

Cawjbanh: Gvangjsih Minzcuz Bause

Geiz neix 8 bani

Aenhauh okbanj: CN45-0036

B.2024

Nd.1 Ng.31

Liggaeuq gveijmaux nienz ndwenlab ngeih 'it

Geizsoq: Gungh daih 3608 geiz

Swcigih Gaiq Cibseiq Yinzda Baez Hoih Daihngeih Hai Sat

1 nyied 26 hauh banhaet, Gvangjsih Bouxcuengh Swcigih Gaiq Cibseiq Yinzminz Daihyauj Daihhoih Baez Hoih Daihngeih youq Gvangjsih Yinzminz Veidanz hai sat.

Aen daihhoih wnggai daengz daihyauj 693 baux, camgya aen hoih bixmuq daihyauj 659 baux, hab fapdingh soqvunz.

Aen hoih bixmuq youz daihhoih cujsizdonz cangzvu cujsiz, caephengz cujsiz, Swcigih Dangjveij suhgi, Swcigih Yinzda Cangzveijvei cujyin Liuz Ningz cujiz.

Daihhoih caephengz cujsiz Fangh Cunhmingz, Cangh Yaujginh, Hoz Vwnzhau, Vangz Veijgingh, Luz Yenbenj, Yangz Cingvaz, Liuz Youjmingz, Couh Gyahbinh youq cujsizdaiz baiz daih 'it naengh.

Swcigih cujsiz Lanz Denhliz, Swcigih Cwnghez cujsiz Sunh Daveij, caeuq Swcigih lizduiyoh cwnghswngjiz dungzci geq daengj youq cujsizdaiz naengh.

Daihhoih guh sat gak hangh hong le, Liuz Ningz gangjvau. De vixok, baez hoih neix yaengxsang fangeiz hungmbwk aen swhsiengj sevei cujyi miz daegsaek Cungguk seizdaih moq Siz Ginbingz, caezhoz comz rengz, gouz caen guh caen, rumz seuq heiq

cingq, miz gij heiqfaenh ndei minzcuj, doxgiet, haigvangq, haenqguh, itdingh caenh 'itboush dungyenz caeuq gikcoi daengx gih gak cuz bouxminz, saengsim engq lai, gaenxmaenx bae hwnqguh aen Gvangjsih maenghndei seizdaih moq, youq mwh haenqrengz raiz bien faenzcieng Gvangjsih yiengh yendaiva Cungguk laeb goeng laeb nieb, loqsiengj baenz caen.

Liuz Ningz naeuz, Dangjcuengh yangh gig yawjnaek, gvansim hong Gvangjsih, Siz Ginbingz cungjsuhgi sim naemj Betgveiq daihdeih, gvansim Gvangjsih gak cuz bouxminz, bi' gvaq 12 nyied caendang daeuj Gvangjsih cazyawj, yawjgonz gak cuz ganbu ginzcong, dinggaeu gij baugau guh hong Swcigih Dangjveij caeuq Cwngfuj caemhcai gangjvau, haengdingh gij cingzci Gvangjsih gak hangh hong aeundaej de, haenh Gvangjsih gak fuengmienh hong ndaej baenaj, gak fuengmienh hwnghat bienq yiengh moq, gienqmienx raeuz gejuengq swhsiengj, cauhoq gouz bienq, coh haij maeuz ak, haicuengq hwnghat, roengzrengz youq hwnghat aen Gvangjsih maenghndei sevei cujyi miz daegsaek Cungguk seizdaih moq mboujduenh aeundaej baenaj moq, haenqrengz raiz bien faenzcieng

Gvangjsih yiengh yendaiva Cungguk. Raeuz aeu laegdaeux roxyiuj gij yiigietdingh "song aen dinghlaeb", gagrox demgiengz "seiq rox", giendingh "seiq aen gagsaeng", guh daengz "song aen henho", haeujaeg gvancez doeksaed gij fanghloz iugouz hungnaek Siz Ginbingz cungjsuhgi naeuz Gvangjsih, daezsang gizndwn cwnghci, dawzcinj fuengyiengq cwnghci, doeksaed cwnghci iugouz, dingjmaenh aeu gij eijsik caezcaemh Cunghvaz Minzcuz guh diuz sienqmeh daengx gih gak hangh hong, haenqrengz hwnghat aen Gvangjsih maenghndei mwnhoengh fouqmiz, doxgiet huzndei, haicuengq doxyungz, vwnzmingz fapceih, habyouq souh gyaeu, baenz yamq baenz yamq aeu mbaw lamzdoz hungmbwk "bien faenzcieng Gvangjsih yiengh yendaiva Cungguk" Siz Ginbingz cungjsuhgi baijbouh de bienq baenz caen bae.

Bineix dwg Daengx Guek Yinzminz Daihyauj Daihhoih laebbaenz 70 hopbi, Liuz Ningz daegbied gangj daengz, daengx gih gak gaep dangjveij aeu haeujaeg doeksaed gij swhsiengj youqgaenj Siz Ginbingz cungjsuhgi mizgven dingjmaenh caeuq laebcaez aen cidu yinzminz daihyauj daihhoih, gyagiengz lingjdauj hong yinzda,

doidoengh hong yinzda seizdaih moq hwnghat ndei saed.

Liuz Ningz daegbied gangj daengz, Gvangjsih ngoenzneix, miz yawhgeiz, miz doenghlig, miz daengzcog, Dangjcuenghyangh gig yawjnaek, guekgia haenqrengz haeujoengh, ganbu saengsim gyalai, aenbiengz hwnghat coh ndei, daengzcog maemuengh ndei raeuh, seizgei ndei raeuh, baihnaj ndei raeuh. Daengx gih gwnz laj aeu engqgya gaenjdaet doxgiet youq henz Dangjcuenghyangh aeu Siz Ginbingz dungzci guh goek, aeu aen swhsiengj sevei cujyi miz daegsaek Cungguk seizdaih moq Siz Ginbingz guh dazyinx, haeujaeg gvancez doeksaed gij fanghloz iugouz Siz Ginbingz cungjsuhgi naeuz Gvangjsih, gejuengq swhsiengj, cauhoq gouz bienq, coh haij maeuz ak, haicuengq hwnghat, haenqrengz raiz bien faenzcieng Gvangjsih yiengh yendaiva Cungguk, hwnghat aen Gvangjsih maenghndei seizdaih moq lai okrengz bangcoengh hwnghat aen guekak, gij saehnieb minzcuz fukhwnghat, aeu cingzci ndei angqhoi Cungguk moq laebbaenz 75 hopbi!

(Cinz Yizcwz Cinz Gyangz Liu Ciyungz daj «Gvangjsih Yizbau» aeu daeuj genj hoiz)

Swcigih Cwnghez Gaiq Cibsam Baez Hoih Daihngeih Hai Sat

Cungguk Yinzminz Cwnghci Hezsangh Veiyi Gaiq Cibsam Gvangjsih Bouxcuengh Swcigih Veijyenzvei Baez Hoih Daihngeih guh sat gak hangh hong daihhoih le, 1 nyied 25 hauh banhaet youq Nanzningz hai sat.

Swcigih Dangjveij suhgi Liuz Ningz, Swcigih cujsiz Lanz Denhliz camgya aen hoih bixmuq. Aen hoih youz Swcigih Cwnghez cujsiz Sunh Daveij cujiz.

Vangz Sinhfu, Ciz Sauconh, Fei Ciyungz, Vangz Cinvaz, Cenz Yozmingz, Couh Cwngzfangh, Vangz Naijyoz, Vuh Gyahsi, Liuz Yungjmeiz, Bungz Genmingz caeuq Luz Nwngzgan youq cujsizdaiz baiz daih 'it naengh.

Hoz Vwnzhau, Fangz Lingzminj, Cinz Yizginh, Vangz Veizbingz, Cai Lisinh, Nungz Swnghvwnz, Couh Yigez, Swcigih Yinzda Cangzveijvei, Cwngfuj lingjdauj banhsj cwnghyenz, Swcigih lizduiyoh cwnghswngjiz dungzci geq, Swcigih Gaugaep Fazyen, Genjcazen baux cujyau fucwz dungzci, gizyawz swngjiz lingjdauj youq cujsizdaiz naengh.

Daihhoih doenggyaq le gij gezyi Cwnghez Gaiq Cibsam Gvangjsih Bouxcuengh Swcigih Veijyenzvei Baez Hoih Daihngeih mizgven cangzvu veijyenzvei gunghcoz baugau; doenggyaq le gij gezyi Cwnghez Gaiq Cibsam Gvangjsih Bouxcuengh Swcigih Veijyenzvei Baez Hoih Daihngeih mizgven daezanq gunghcoz cingzvang; doenggyaq le gij baugau daezanq veijyenzvei mizgven Cwnghez Gaiq Cibsam Baez Hoih Daihngeih saemjcaz cingzvang; doenggyaq le Swcigih Cwnghez bi 2024 doxyaeng dajveh; doenggyaq le gij gezyi cwnghci Cwnghez Gaiq Cibsam Gvangjsih Bouxcuengh Swcigih Veijyenzvei Baez Hoih Daihngeih.

Sunh Daveij youq mwh gangjvau naeuz, baez hoih neix ndaej daengz Swcigih Dangjveij giengiengz lingjdauj, ndaej daengz gak mizgven fuengmienh haenqrengz haeujoengh, ginggyaq daengxcungq veijyenz caeuq gyoengq baux dungzci camgya hai hoih caezcaemh roengzrengz, gak hangh hong guh sat. Liuz Ningz suhgi

youq aen hoih haimuq gangjvau, cungfaen haengdingh gij hong bi hainduj Gaiq Cibsam Swcigih Cwnghez, daezok maqmuengh caensaed, hawj raeuz sim raeujrubrub, saengsim dem lai. Daengxcungq veijyenz nyinhcaen hagsib roxyiuj gij cingsaenz gangjvau youqgaenj Siz Ginbingz cungjsuhgi cazyawj Gvangjsih caeuq gij iugouz gangjvau Liuz Ningz suhgi, doxcaez naeuz aeu engqgya gagrox aeu swhsiengj caeuq hengzdoengh doengjit daengz gij gezcwz baijbouh Cunghung Cunghyangh caeuq gij iugouz Swcigih Dangjveij doiq hong cwnghez, doidoengh gij cingsaenz gangjvau youqgaenj Siz Ginbingz cungjsuhgi cazyawj Gvangjsih youq Betgveiq daihdeih doek deih raen rongh.

Sunh Daveij naeuz, bineix dwg Yinzminz Cwnghez laebbaenz 75 hopbi, raeuz aeu yaengxsang fangeiz hungmbwk sevei cujyiz miz daegsaek Cungguk, dingjmaenh aeu aen swhsiengj sevei cujyi miz daegsaek Cungguk seizdaih moq Siz Ginbingz guh dazyinx, haeujaeg gvancez

doeksaed gij fanghloz iugouz hungnaek Siz Ginbingz cungjsuhgi naeuz Gvangjsih, aeu couqmaenh gij eijsik caezcaemh Cunghvaz Minzcuz guh sienqmeh, dingjmaenh dangj lingjdauj, doengjit camhsienq, minzcuj doxyaeng giethab ndeindi, haenqrengz buekguh lwnhgangj gij cwzyin cwnghhez, guh ndei cizcwz yienh 'ok gij dangrap cwnghez.

Sunh Daveij naeuz, laebdaeb baenaj dawz mbaqrap, caezhoz comz rengz laeb goeng moq, hawj raeuz engqgya gaenjdaet hopheux youq seiqhenz Cunghung Cunghyangh aeu Siz Ginbingz dungzci guh goek, youq laj Swcigih Dangjveij giengiengz lingjdauj, geiqmaenh vahdaengq, gyo'mbaiq haenqguh, doxgiet buekguh, haenqheiq baenaj, ok goengrengz goeg haenqrengz raiz bien faenzcieng Gvangjsih yiengh yendaiva Cungguk.

(Vangz Cunhnanz daj «Gvangjsih Yizbau» aeu daeuj genj hoiz)